


Segun Benny Sevinger:

A saca 12 miyon florin for di permisonan y awor e Minister ta bisa cu DINA no ta funciona

ORANJESTAD (AAN)— Benny Sevinger di partido AVP a declara durante e rueda di prensa semanal di partido cu e situacion na DINA ta un caos y aunke e minister tabata kier pa esaki evoluciona mas ainda, e departamento aki a bay atras den e tres añanan cu a pasa. Segun Sevinger, den e propio presupuesto di Minister di Husticia, e minister ta bisa cu na DINA, e cantidad di personal a subi for di año 2001 cu tabata 40 persona ta traha eynan y na 2004, 130 persona ta traha na DINA. A agrega cu 90 persona mas a bin den servicio di DINA y den dos año e minister ta pone den su presupuesto. E parlamentario a manifesta cu ora cu nan ta lesa kico e minister ta pone den e presupuesto, e ta bisa cu DINA no tin un linea, cu ta cayendo atras cu tur permiso. "Kiermeen cu minister ta pone 90 persona extra, pero servicionan ta bay atras". Banda di esaki, Benny Sevinger a indica cu segun Minister Croes esaki lo nifica un reorganizacion e departamento completamente na 2005. A sigui bisa cu dia cu e minister a drenta tabata tin critica riba DOW, pa loke ta trata maneho di imigrantenan y tres año despues ta bin bisa cu e maneho a fracasa, pero awor si ta bay hacie bon. E politico a expresa cu manera a ser treci dilanti caba, e minister concerni a cumenza na huur un edificio

di famia, cual tabata e famoso Moshimi. A indica tambe cu a trece un persona for di Hulanda y pague 25 mil florin pa luna, inclui auto y tur gastonan paga. E persona aki lo a bin cu un sistema pa DINA cana completamente bon, caminda den menos di tres luna un persona tabata haya su permiso. A agrega cu awor, Minister Croes mes ta bin bisa cu DINA ta un caos y cu no ta sirbi. Banda di esaki, a opina cu por ta pa Minister di Husticia DINA no ta sirbi, pero a saca 12 miyon florin for di permisonan. "Tur hende cu mester di un permiso a bay atras, no ta hayando e servicio, pero si minister a saca 12 miyon for di nan (...) y ariba dje ta bisa cu e año aki 2005, esaki lo aumenta cu 25 porciento mas. Kiermeen e año aki e ta bay saca 16 miyon for di permisonan". Otro di e criticanan cu e parlamentario tabata tin



tabata relaciona cu locual ta ser yama e "C Model", cual ta e modelo di Coastal, caminda cu un persona ta haya un permiso pa maximo 11 luna. A laga sa cu na e momentonan aki, Minister di Husticia ta dunando miles di "C Model" pa tur sector, caminda ningun di e peticionnan aki ta pasa Departamento di Labor. "Directamente un persona, un comerciante ta aplica na Ministerio di Husticia y eynan e ta haya un "C Model" pa maximal 11 luna y

despues lo bolbe haya esaki pa un otro maximal di 11 luna".

Segun Benny Sevinger, Minister Croes no ta tene cuenta cu e mercado laboral arubiano y tampoco si tin personanan pa e trabaonan aki.

A expresa cu preguntanan a bay den direccion di e minister riba e situacion aki, pero e ta admiti cu esaki no a bay bon pero cu awor e ta bay

dreche. A manifesta tambe, cu rond di tur e caos aki tin un bon noticia pa DINA, ya cu nan ta bay den un edificio nobo y cu ta wordo gehuur door di ruman cu e compania cu yama Gold Mine Properties.

DINA su situacion no ta bon, pero ta asina cu e mudamento aki ta bay costa pueblo 1 miyon pa huur e edificio di ruman di minister, pasobra cu DINA no ta funciona, finalmente a bisa.

Miembronan di Stichting ayudo social Sta. Cruz ta reparti paña

ORANJESTAD (AAN)— Diadomingo, 30 di Januari 2005 cuminsando for di 10'or di mainta te cu 12'or di merdia Ayudo Social Sta. Cruz ta reparti paña. Esaki lo tuma lugar na Centro San Martin na Sta. Cruz. Tur esnan den necesidad por

bin busca paña. Corda bin cu tas of saco. Tambe ta ser pidi pa un cas di famia, esnan cu tin: sea cashi, cama, stoof.

Di antemano danki. Por tuma contacto cu Zr. Judith, tel. 585-0195 of Señora Corinne Koolman, tel. 585-3193.



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Washing
Machine
cu Dryer
Afl. 350,=